

**SEREKOBI**  
Gesey Kerindongo / Braidley Jourdain  
Ray Janga



# E Chi ku Cha, ta kla! 2025

**Braidley Jourdain**

**Danki n'e chi ku cha ku nos kosecha ta sigurá,  
e hèrmènt pa ser'e kurá pa separá i protegá. 2x**

Manera dam ta trahá pa awa,  
mester dje datu pa traha tranké  
E bendishon dje kosecha,  
**mester prepará pa kargé**

Promé ku pensa riba kosecha  
ta prepará p'e yobida  
Subi plantashi ku alegria,  
**drecha e tera p'e simia**

**Watapana shimaron,**  
ta bara datu den union  
Nos ta drecha nos kurá,  
**p'e kosecha ta sigurá**

**Sabiduria a bin di ariba,**  
At'e hèrmènt pa kompletá  
Dos pida palu di kalbas  
**a duna un man pa ser'e kurá**

Awó ta kua, te chi ò cha?  
**Nò, ta huntu e ta funshoná**  
Bara tur datu seré kurá,  
**pone nan huntu k'e chi ku cha,  
k'e chi ku cha, ke chi ku cha**



Koro: **Ban uni manere chi ku cha**

Kòrsou a yega ora  
Ban protehá nos komunidad  
Te union ta trese stabilitat  
Te union ta trese prosperidat

Koro kòrtiku: **e chi ku cha**

No te chi  
No te cha  
Laga nos ban hala huntu  
Pa nos pueblo avansá  
K'e machete a butele kla  
P'e Paniweri hiba ya  
Ma ta danki n'e chi ku cha  
Nos kosecha ta sigurá  
Yena e tranké ku kashá  
Pa niun bestia'un penetrá  
Nos ta ankra na otro  
Pa trabounan kontinuá

Koro: **ankra na otro mané tranké**

Pone mannan huntu  
Bon ankrá na bo ruman  
Por bini bientu fuerte  
Pero nos ta un pueblo balente

Koro kòrtiku: **e chi ku cha**

Shonnan, No te chi  
No te cha  
Laga nos ban hala huntu  
Pa nos pueblo avansá  
K'e machete a butele kla  
P'e Paniweri a hiba ya  
Ma ta danki n'e chi ku cha  
Ku nos kosecha ta sigurá  
Yena e tranke ku kashá  
Pa niun bestia'un penetrá  
Na mi mustra bo kon ta hasié  
Para ku mi pa nos hisé



Ku un man bo ta ten'e chi,  
anto e otro ta hal'e cha  
Ta huntu nan mester traha  
**T'e union ta hasi forsa**

ku un man bo ta ten'e chi  
anto e otro ta hal'e cha  
Ta huntu nan mester traha  
**T'e union ta hasi forsa**

Hak e chi  
krus'e cha  
Hisa datu pone kla  
Hala huntu pa nos ban  
**His'é but'é ke chi ku cha**

Hak e chi  
krus'e cha  
Hisa datu pone kla

Hala huntu pa nos ban  
**His'é but'é ke chi ku cha**

Koro: **mané tranké**  
Nos ta hala huntu  
Nos ta ban den kaya huntu  
Nos ta wapa nos seú  
Tur kos malu ta keda eifó

**Watapana shimaron,**  
ta bara datu den union  
Nos ta drecha nos kurá,  
**p'e kosecha ta sigurá**

**Sabiduria a bin di ariba,**  
At'e hèrmènt pa kompletá  
Dos pida palu di kalbas  
**a duna un man pa seré kurá**



Awó ta kua, te chi ò cha?  
**Nò, ta huntu e ta funshoná**  
Bara tur datu seré kurá,  
**pone nan huntu k'e chi ku cha,**  
**k'e chi ku cha, ke chi ku cha**

**Koro: Ban uni manera chi ku cha**  
Kòrsou a yega ora  
Ban protehá nos komunidat  
Te union ta trese stabilidat  
Te union ta trese prosperidat

**Koro: e chi ku cha**  
No te chi  
No te cha  
Laga nos ban hala huntu  
Pa nos pueblo avansá  
K'e machete a butele kla  
P'e Paniweri a hiba ya  
Ma ta danki n'e chi ku cha  
Ku nos kosecha ta sigurá  
Yen' e tranké ku kashá  
Pa niun bestia'un penetrá  
Nos ta ankra na otro  
Pa trabounan kontinuá

**Koro: ankra na otro mané tranké**  
Pone mannan huntu  
Bon ankrá na bo ruman

Por bini bientu fuerte  
Pero nos ta un pueblo balente

**Koro: e chi ku cha**  
Shonnan, no te chi  
No te cha  
Laga nos ban hala huntu  
Pa nos pueblo avansá  
K'e machete a butele kla



P'e Paniweri a hiba ya  
Ma ta danki n'e chi ku cha  
Nos kosecha ta sigurá  
Yen' e tranke ku kashá  
Pa niun bestia'un penetrá  
Na mi mustra bo kon ta hasié  
Para ku mi pa nos hisé

Ku un man bo ta ten'e chi,  
anto e otro ta hal'e cha  
Ta huntu nan mester traha  
**T'e union ta hasi forsa**

ku un man bo ta ten'e chi  
anto e otro ta hal'e cha  
Ta huntu nan mester traha  
**T'e union ta hasi forsa**

Hak e chi  
krus'e cha  
Hisa datu pone kla  
Hala huntu pa nos ban  
**His'e but'e ke chi ku cha**

Hak e chi  
krus'e cha  
Hisa datu pone kla  
Hala huntu pa nos ban  
**His'e but'e ke chi ku cha**

Koro: **mané tranké**  
Nos ta hala huntu  
Nos ta ban den kaya huntu  
Nos ta wapa nos seú  
Tur kos malu ta keda eifó

Anto nos a yega aya      koro: **ke chi ku cha**  
Nos a triunfá  
K'e kosecha sigurá



## **Ke chi ku cha ke chi ku cha, ta kla!**

### **Splikashon di Letra:**

*Pa por a protehá e plantashon kunukeronan tabata krea un tranké di datu. E proseso di forma tranké ku datu tabata ser yamá bara datu. E forma korekto di bisa esaki ta: “pa bara datu ta usa palu di watapana shimaron”. Tabata krea un struktura ku e watapana shimaron. Despues tabata bai mondi i kap datu ku machete i transportá esaki hiba kas bèk riba un Paniweri (dos palu largu mara ku tela den forma di hamaka). Ora kaba di traha e tranké tabata pone datu abou dilanti e tranké, kaba kap esaki un tiki pa vipé (datu chikitu) nanse riba e datu. Pa finalisá tabata hinka rama di sumpiña den e tranké pa asina bestia no drenta e kunuku.*

*Sinembargo nada di esaki lo tabata posibel si no tabatin un chi ku cha. Chi ku cha ta dos palu un den forma di un J i e otro den forma di un Y. Ta hak e chi na e datu, despues krusa e cha na e datu, pa asina e datu no wep i hinka e persona ku ta karga esaki.*

*E mensahe di e seú aki ta pa komo pueblo, nos tur mester kontribuí pa Kòrsou por avansá. Mira kon un detaye asina chikitu manera e chi ku cha tabata sòru pa henter un kosecha keda protehá, pues no ta importá ken bo ta den nos komunidat. Bo aporte, pa chiki ku e por ta, ta kontribuí na adelanto i bienestar di nos komunidat.*

*Si nos uni manera tranké i no laga nada stroba e union aki, nos lo mira kon nos komo un pueblo lo krese i avansá. E chi ku cha ta kla!*